



## **Umberto Volpe** *Prof. dr sc. med.*

**Italija**

Diplomirao je na Medicinskom fakultetu SUN Univerziteta u Napulju, gdje i završio specijalizaciju iz psihijatrije. Doktorske studije pohađao je na Fakultetu bihevioralnih nauka Univerziteta u Napulju (Italija), Neurotec odjeljenju Karlinska Instituta u Stokholmu (Švedska) i Katedri za psihijatrijsku neuropsihologiju Univerziteta u Bernu (Švajcarska). 2010. godine pozvan je kao gostujući istraživač za oblast neurofidebeka na Kalifornijski Univerzitet u Los Angelesu (SAD). 2012. godine kao pozvani istraživač boravio je na Odsjeku za neurobiologiju psihotičnih poremećaja na Institutu za psihijatriju Kraljevskog Koledža u Londonu (Velika Britanija), gdje je bio uključen u istraživanja vezana za nalaze funkcionalne magnetne rezonance (fMRI neuroimaging) procesuiranja nagrađivanja kod shizofrenije i narušene tjelesne slike kod poremećaja ishrane. 2009. godine imenovan je za kopredsjedavajućeg Odbora mladih psihijatara u Evropskoj psihijatrijskoj asocijaciji (EPA) kao i sekretara dvije sekcije EPA: za shizofreniju i telementalno zdravlje. 2015. godine izabran je za kopredsjedavajućeg a 2018. predsjedavajućeg EPA sekcije za telementalno zdravlje.

U periodu 2008. – 2017. godine bio je zaposlen kao istraživač na Katedri za psihijatriju Univerziteta u Napulju i koordinator tehničara-diplomanata psihijatrijske rehabilitacije. Autor je više od 57 naučnih peer-reviewed članaka, kao i više knjiga i poglavlja u knjigama. Bio je angažovan za referisanja u više od 50 psihijatrijskih i neuronaučnih časopisa, a član je uređivačkih odbora u nekoliko psihijatrijskih časopisa.

Od 2017. godine imenovan je za profesora psihijatrije i aktuelno je zaposlen na Univerzitetu u Ankoni (Università Politecnica delle Marche, Ancona, Italija) na pozicijama direktora škole za specijalizaciju iz psihijatrije i šefa Katedre za psihijatriju.

Njegovi aktuelni klinički interesi obuhvataju kliničku psihijatriju, translacionu psihofarmakologiju, psihoedukaciju porodica oboljelih od težih mentalnih poremećaja, puteve psihijatrijske njege, zdravlje profesionalaca u oblasti mentalnog zdravlja, tehnike psihijatrijske rehabilitacije, kao i implementaciju specifičnih kognitivno-bihevioralnih tehnika u psihijatrijskim setinzima.